

Upernaakkut 2017-imi ataatsimiinnissamut ilaqutariit pissakinnerusut akunnattumillu aningaasarsiallit nammineerlutik illutaarsinnaanerit pillugu Naalackersuisut suliniuteqaqqullugit inatsisartut aalajangiiffigisassaattut siunnersuut

(Inatsisartunut Ilaasortaᑦ: Anthon Frederiksen, Partii Naleraq)

Akissuteqaat

(Ineqarnermut, Sanaartornermut Attaveqaqatigiinnermullu Naalackersuisoq)

1. Siullermeerneqarnera

Inoqutigiiᑦ pissakinnerusut ajornannginnerusumik nammineerlutik illutaarsinnaanerit pillugu siunnersuut saqqummiunneqartoq Naalackersuisut qujassutigaaᑦ.

Naalackersuisut isumaqatigilluinnarpaat isertitat sumilu najugaqarneq apeqqutaallutik nammineq illutaarnissamut periarfissat assigiinngitsupilussuuneri. Aamma illoqarfiit anginerit sisamat taarsigassarsiffiusinnaasut avataanni illoqarfimmi nunaqarfimmiluunniit najugaqaraanni taarsigassarsinissamut periarfissat assigiinngissuteqarsinnaasut eqqarsaatigalugit.

Taamaammat innuttaasut illoqarfiit anginerit sisamat avataanni najugallit inissiamik attartukkaminnik nammineq pigisatut tiguserusuttut oqinnerusumik atugassaqartinneqarnissaat Naalackersuisunit isumaqatigineqarpoq.

Naalackersuisunit taamaammat sulissutigineqarpoq kikkut tamat taarsigassarsinnaanerisa najukkami inissanik niuruteqartarnermut naleqqussarneqarnissaat.

Attartortumit piginnittumut maanna aqqissuussami illunut ataasiakkaanut niuernermi akigitat tungavigineqartarput. Attartortumit piginnittumut maanna aqqissuussaq illoqarfinni Nuup avataaniittuni pitsaasupilussuarmik atugassaqartitsivoq, taamalu ilaqutariit isertitaqarpallaanngitsut namminneq inissaminnik pisiaqarsinnaanerit periarfissaqartillugu.

Aamma Inissianik tuniseneq pillugu konto pingaarnermut 72.06.51-imut oqaasertaliussaq Inatsisartunit akuerineqapoq. Oqaasertaliussaq taanna aqqutigalugu inissiat inissiallu affarleriaat 275.000 koruunit inorlugit niuernermi naleqartut attartortunut taarsigassarsinnaanngitsunut aningaaserivimmiluunniit taarsigassarsinnaanngitsunut tunineqarsinnaalissapput. Pisiap akia qaammatikkaartumik naafferarlugu akilersorneqassaaq.

Oqaasertaliussaq taanna siusinnerusukkuᑦ allattulaaq isikkoqarluni atuussimavoq, aqqissuussarlu taanna aqqutigalugu illut 25-t tunineqarsimallutik. Pisisut 12-it pisiap akia naafferarlugu tamaat akilersimavaat. Pisisut arfineq pingasut akiitsuminnik naafferaallutik akilersuipput, pisisulli tallimat pisiap akianik naafferaallutik akilersuinatik. Tallimat taakku akiitsuminnik naafferaallutik akilersuinngitsut akiitsui inigisap pinngitsaaliissummik tunineqarneratigut akilersinneqassapput.

Taamaalilluni pisiaqarneq inuit ilaannut illuatungeqarpoq – pisisut tallimaasut naafferaallutik akilersuerusunnatik illusisimanertik pissutigalugu inigisaminnit pinngitsaaliissummik anisitaassapput. Tassa

taakkununga tallimaasunut illusineq iluatsissimangilaq. Akerlianik artorsartitsissasoq takorloorneqarsinnaavoq.

Naalackersuisut isumaqatigivaat innuttaasut nammineq illussaminnik piserusuttut periarfissaqartinneqarnissaat. Naalackersuisulli isumaqarput aaqqissuussat taakku marluk maanna atuuttut innuttaasunut Nuup avataaniittunut naammaginartumik akilimmik naammaginartumillu atugassaqartitsisumik inigisaminnik tigusinissaannut periarfissarissaartitsisut.

Aaqqissuussat taakku pitsaasut marluk innuttaasut inigisaminnik pisiaqarnissaannut periarfissiisut aamma inoqutigiit isertitaqarpallaaratik taarsigassarsinissamut aningaaserivimmiluunniit taarsigassarsinissamut periarfissaqanngitsut inigisaminnik pisiaqarsinnaanerannik periarfissiisut eqqarsaatigalugit Naalackersuisut isumaqarput ilaqutariit pissakinnerusut namminneq inigisassaminnik pisisinnaaneranguniarlugu suliniuteqartoqartoq.

Tamanna pissutigalugu siunnersuutip itigartitsissutigineqarnissaa inassutigineqarpoq.